

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Impedimentis Matrimonii, Usu Et Divortio

Bosco, Jean a

Lovanii, 1685

Concl. V. Decretum Tridentini non irritat sponsalia, inita inter raptorem & raptam, durante adhuc raptu.

[urn:nbn:de:hbz:466:1-73448](#)

ribus responcionem ad hanc interrogationem.

^{123.} Interim, quia hic sit rursus mentio de intentione contrahendi, quero: utrum sufficiat intentio merè interna; an verò necelsum sit, ut exterius illa intentio significetur? Evidem qui docent, non sufficere intentionem contrahendi merè internam, ad inducendum impedimentum criminis, facile concedent, etiam non sufficere eam, ad inducendum impedimentum raptus; quæ enim ratio disparitatis?

Ego autem, quia Sect. præced. Conclus. 5. docui, sufficere intentionem internam in impedimento criminis, consequenter assero, & eam hic sufficere. Puto autem, quod forum externum illam præsumeret, quandcumque constaret, raptorem raptæ Matrimonium obtulisse.

Restat una difficultas: an sicut prædictum Tridentini Decretum irritat Matrimonium inter raptorem & raptam, quandiu in ejus potestate manerit, ita quoque irritet sponsalia, tunc inita? Responso erit.

CONCLUSIO V.

Decretum Tridentini non irritat sponsalia, inita inter raptorem & raptam, durante adhuc raptu.

^{124.} **O**ppositorum hujus Conclusionis docet Navarrus lib. 4. Confil. in 1. edit. tit. de Consanguin. confil. 3. n. 6. & sequentibus, in posteriori lib. 5. tit. de Rapt. confil. ult. quem sequuntur Manuel to. 1. Sum. 1. edit. c. 231. n. 3. Vega 2. tom. Sum. c. 34. cal. 157. nob. tab. 3. & Sanchez lib. 7. disp. 13. n. 17.

Probatur 1. Pro hac sententia (quod scilicet etiam sponsalia sint nulla) facere videtur primò: casus in 1. Oratio, 16. ff. de Sponsal. quatenus probat, prohibito Matrimonio, etiam prohiberi sponsalia. Hæc sunt verba d. leg. *Oratio Imperatorum Antonini & Commodi*, qua quasdam nuptias in personam Senatorum inhibuit, de sponsalibus nihil locuta est. Rectè tamen dicitur, etiam sponsalia in his casibus ipso jure nullius esse momenti, ut suppleatur, quod oratione deest.

^{125.} **H**æc lex (juxta Navar. sup. n. 2.) quatenus probat, Matrimonio prohibito, prohiberi sponsalia, & prohibito uno, prohiberi præambulum ad illud, non habet locum, nisi quando eadem ratio militat in Matrimonio & sponsalibus, & in prohibito, & præambulo ejus.

Præterea (teste Navar. ibidem) prædicta lex non habet locum, nisi quando Matrimonium perpetuo prohibetur, sive quando impedimentum est perpetuum, & non quando impeditur ad tempus, sive quando impedimentum est temporale.

Ex quo sequitur (ut bene advertit Navar. sup. n. 3.) quod per d. l. *Oratio*, non potest concludi, sponsalia, de quibus queritur, esse nulla. Quippe Concil. permittit contractionem Matrimonij, postquam raptæ exierit domo

Bosco de Matrim. Pars II.

raptoris, & fuerit assécuta plena libertatem contrahendi, vel renueendi, & ita inducit impedimentum temporale & non perpetuum.

Quà eadē ratione defenditur, quod Concil. Trid. sess. 24. de refor. Matr. c. 1. annullans Matrimonium contractum in absentiâ Parochi, non annullat sponsalia; quia Matrimonium non prohibitur perpetuo inter aliquos, ed quod prohibetur fieri in absentia Parochi, cum fieri possit in ejus præsentia. Ita præfatus Auctor.

^{126.} Qui tamen ex ea lege probat suam sententiam n. 4. dicens: Ratio limitandi (jus anti-Navar. ex ea probat quum) videtur fuisse, quod consensus raptæ, suam sententiam præstitus in domo raptoris, vel extrâ eam, donec assécuratur plena libertatem, non est satis liber ad contrahendum Matrimonium, quod plena libertatem requirit, quæ ratio ita militat in sponsalibus, ac in Matrimonio: quia sponsalia etiam requirunt plena libertatem, secundum Omnes.

Ex hoc sequitur, quod licet l. *Oratio*, quatenus habet, Matrimonio prohibito propter impedimentum perpetuum, videri sponsalia prohibita, non concludat, ut dictum est, per prohibitionem Concilij temporariam videri prohibita sponsalia: tamen quatenus probat, prohibito uno, videri prohibitum præambulum, in quo est eadem ratio, concludit, prohibito Matrimonio inter raptorem & raptam, donec raptæ fuerit in domo raptoris, & donec assécuratur plena libertatem, censi proibita sponsalia, donec maneret intrâ domum, vel extrâ, & non assécuratur plena libertatem; quia ut dictum est, defectus liberi consensus ita impedit sponsalia ac Matrimonium. Hæc ille.

Prorsus dictum est; sed non est probatum. ^{127.} Et quoniam ego Disp. præced. Sect. 7. Concl. 11. sustinui cum alijs multis Auctoriis, sponsalia gravi metu extorta; non esse nulla ipso jure, quamvis Matrimonium nullum sit, & per consequens, sponsalia ad sui valorem non requirere omnem eam libertatem, quam requirit Matrimonium; hinc consequenter doceo, non valere hic argumentum à Matrimonio ad sponsalia, eo quod non sit eadem ratio. Videatur dicta loco citato.

Mecum autem sentit Perez hic disp. 38. **P**robatur ^a sect. 4. n. 8. Moveor (inquit ille) quia lex ^{Perezio ex Reg. 28.} Trident. irritans Matrimonium ratione raptus, cùm sit penalis, & jus commune corrigit, de solo Matrimonio intelligenda est, nec debet extendi ad sponsalia; Reg. *Quæ a jure communè exorbitant, nequaquam ad consequentia sunt trahenda*, 28. De Reg. juris in 6. sed tamquam casus omisssus relinquentur est dispositioni juris communis; præterim ubi non militat eadem prorsus ratio prohibendi: nam Matrimonij contractus, cùm sit perpetuus ac indissolubilis, in favorem ejus plenæ libertatis, statutum est illud Tridentini Decretum: at sponsalitius contractus multis de causis dissolvi potest, & ideo sufficit illi plena libertas ex parte contrahentium. Quare id firmatur ^b T. eisdem

cisdem ferè rationibus, quibus ostendimus in Trident. scilicet 24. c. i. dum irritatur Matrimonium clandestinum, non irritari, sed adhuc valere sponsalia clandestina.

128.
Conformatio-
nem ex Clem.
1. de Con-
fusio-

Firmo hoc idem: nam poena apposita contrahentibus Matrimonium, non afficit contrahentes sola sponsalia. Patet manifesto exemplo Clement. 1. de Consanguin. ubi excommunicantur ducentes consanguineam, & tamen ea censura non ligat sola sponsalia contrahentes; quia in odiois nomine Matrimonij non veniunt sponsalia. Igitur idem dicendum est ad praesentem difficultatem. Hucusque Perezius.

Expenditur
probatio.
Canisius.

Expendamus singula, & videamus, quid Adversarij ad ea respondeant, aut respondere possent. Canisius ad D. Reg. Qua a jure &c. sic agit: Ea exorbitare dicuntur, quæ ab orbita, id est, à via communii deflectunt; qualia sunt, dispensationes, privilegia, statuta juri communii contraria, quæ in consequentiam, hoc est, ad alias personas, sive casus, non sunt producenda, sed suis terminis constringenda. Cum enim jus commune favorable sit, ut potè ab omnibus ob publicam utilitatem receptum; certè quæ juri communii refragantur, tamquam odiosa restringenda sunt, & quantum fieri potest interpretatione revocanda ad commune. Sic ille. Cum ergo de jure communii cap. fin. de Rapt. sponsalia imò & Matrimonium valeant inter raptorem & raptam, si raptam consentiat, quæ antea dissentiebat; Trident, quod est contrarium d. cap. & expressè solum Matrimonium irritat, non est producendum ad sponsalia.

129.
Quia ad
eam respon-
deat Na-
var.

Respondet Navar. sup. n. 6. Ius limitans aliquid, extenditur ex similitudine rationis ad casum similem, ut efficaciter & singulariter probatur per cap. Cum dilecta, de Confir. util. vel inutile. Et in proposito nostro non solum inventur ratio similis, sed etiam eadem, ut sup. probatum est; & ex identitate rationis, non solum jura exorbitantia, & limitatoria, sed etiam penalis extenduntur juxta Glossam singularem cap. 1. verb. Italicæ, de Temp. ordinat. in 6. Ita Navar.

Verba Glo-
ssæ, quam ci-
tat.

Subdo verba Glossæ: Quid è converso si Episcopus ultramontanus ordinet Italicum? Non videtur hac Decretalis locum habere; quia penalis est & sic restringenda: & sic proprium non excedit casum, sup. eod. lib. de Elect. Statutum. De Pœnit. dist. 1. Pœnit. In contrarium videatur, cum per omnia sit eadem ratio: utrobique ergo idem ius: nec videtur ista ampliatio vel extensio secundum ea, que vides sup. eod. de Elect. Si postquam; ubi constitutio illa: Cupientes, licet penalis, locum habere declaratur, in provisionibus & appellationibus & confirmationibus, de quibus ibi cautum non erat. Ad hoc ff. de Verb. oblig. A Titio. Vbi enim est eadem ratio, & penitus omnimoda similitudo, non propriè dicimus extendere, ff. ad Leg. Iuliam de Adult. 1. Si postulaverit; tunc enim pœna dicuntur extendi, quando ad casum non omnino similem extenduntur, & sic intelli-

guntur contraria.

Subsumo ego: sed casus noster non est omnino similis; ergo male Decret. Trid. ad eum extenditur. Dicit Navar. se probasse, non solum similem, sed eamdem omnino rationem in eo inveniri; dicit quidem: ast nunquid verè Aliam probationem non reperio, quād, sponsalia etiam plenam requirunt libertatem secundum Omnes.

Respondeo: ut sint ipso jure valida, nego: ut non sint dissolubilia, concedo. At verò Matrimonium requirit, secundum Omnes, plenam libertatem, ut ipso jure sit validum. Et quid mirum, cùm Matrimonium semel validum, non sit dissoluble; sponsalia autem valida, ex varijs causis dissolubilia, ut bene advertit Perez sup. Ergo perperam ait Navar. in nostro casu non solum similem, sed etiam eamdem omnino rationem inveniri.

Et verò Sanchez cùdem omnino probatione utitur, dicens: Tridentinum irritavit pro tempore Matrimonium, consulens plenam libertati, ad id requisitæ, quæ non omnino plena est, dum raptæ manet in raptoris potestate. Quæ ratio in sponsalibus militat, ad quæ jura quoque plenam libertatem postulant. Hæc ille.

Sed audiamus eum loquentem lib. 4. disp. 19. ubi querit: an sponsalia, metu gravi inita, sint ipso jure irrita, sicut Matrimonium. Et ratio (inquit) dubitandi ea est potissima; quia textus irritantes expressè loquuntur de Matrimonio; & quāvis sponsalia sint præparatoria ad Matrimonium, & ob id videatur posse dici, dispositum in Matrimonio censi dispositum in sponsalibus, l. Oratio, ff. de sponsal. Verum id verum non habet, cùd quod est distincta ratio in his, idcè enim Matrimonium metu initum irritavit Ecclesia; quia si semel est validum, amplius rescindi non potest; sed sponsalia semel valida possunt dissolvi, & de facto multis ex causis dissolvuntur: ergo non in hoc sequentur naturam Matrimonij, ut eo ob metum irritato, censentur etiam sponsalia ob metum irritata. Maximè, quia per hoc induceretur multorum jurium correctio, disponentium, contractus metu initos irritandos esse, non irritos ipso jure.

Secundò: quia hæc ratione, quāvis Trid. irritat Matrimonia clandestina, non censetur subinde irritasse sponsalia clandestina; est enim diversa ratio. Cum ergo nullus detur textus irritans sponsalia clandestina, dicendum est, ea valida esse ipso jure. Sic ille.

Ecce duo potissima argumenta, quibus videtur probari, sponsalia metu gravi inita non esse ipso jure irrita. Et quāvis Sanchez oppositum doceat, non tamen ex eo, quod sit eadem ratio in Matrimonio & sponsalibus: nam ad d. duo argumenta n. 7. sic respondet: Non censentur irrita sponsalia metu coacta, ex eo quod irritatur Matrimonium, ut probant duo priora argumenta. Hæc ille. Ergo satis aperte admittit, non esse eamdem rationem Matrimonij, & sponsalium in hoc casu.

Infero

Illustris Au-
toris.

Infero ego; ergò neque in nostro casu: Nam in utroque casu irritatur Matrimonium propter defectum plenae libertatis. Cur ergò magis in uno casu sit eadem ratio Matrimonij, & sponsalium, quam in alio? Fateor me id nescire, & cupio doceri ab alijs.

133.
Exemplum
sup. ex Pe-
rezio addu-
cum.

Quantum ad exemplum, quod Perezius sup. adfert in confirmationem suæ & nostræ sententiæ, non est id adeò manifestum, ut ipse forte putavit. Patet ex Glossa ibi, verb. *Contrahere*, ubi sic interrogat: *Quid si non contraxit Matrimonium, sed sponsalia tantum?* Arg. quod ligetur ff. de Sponsal. Oratio, ubi prohibitio nuptiarum includit sponsalia. Ad idem de Eo qui duxit in Matr. cap. Cum haberet, ubi equiparantur sponsalia & Matrimonium.

Non puto ligari, cum constitutio sit penalis, & verba hoc non importent: quod verum puto, nisi consummaverit per copulam carnalem: quia tunc ligatur, quasi tunc contraxisse videatur de Sponsal. Veniens, &c. Is qui.

Contrarium non obstat; quia licet fatear, quod ubi prohibetur Matrimonium, prohibeantur sponsalia, non sequitur, quod contrahenti sponsalia sit eadem pena, qua contrahenti Matrimonium: benè facit de Elect. Perpetuò, lib. 6. In decretali: Cum habeat, sponsalia cum adulterio inducunt impedimentum Matrimonij, sicut inducunt publicam honestatem, de Sponsal. c. un. in 6. Haecenus Glossa.

134.
Non est om-
nino cer-
tum.

Ergò exemplum istud Clement. non est adeò manifestum, quin patiatur contradictionem. Sed quid mirum? cum nihil ferè hodie sit in rebus moralibus tam clarum & manifestum, cui ab aliquibus non contradicatur. Saltem D. Glosfa approbat nostrum exemplum.

Disparitas
hic inter
impedimen-
tum crimi-
ni & rap-
tus.

Et quod adducitur in contrarium de impedimento criminis, quod æquè incurritur per sponsalia, ac per Matrimonium, nullam habet difficultatem, nam jura expressè loquuntur tanè de Matrimonio, quam de sponsalibus. At vero Trident. nullatenus meminit sponsalium, sed solius Matrimonij inter raptorem & raptam: nec aliud jus posteriori reperitur, quod ipsum Decretum Trid. ad sponsalia extendat.

135.

Ergò nec nos extendamus propter solam paritatem rationis; quia revera paritas non est; & quamvis esset, haud equidem propterea (quidquid dicat Glossa sup. cap. 1. de Temp. Ordinat. in 6.) deberet extendi, nisi absurdum foret & irrationalis, unum prohibere propter illam rationem, & non aliud.

An sit irra-
tionabile ir-
prohibere Matrimo-
nium inter raptorem & rap-
tam, ob defectum plenae libertatis, & non pro-
& non spon-
salia.

Atqui, subsumit quispiam, irrationalis est, rapta Matrimonium contrahere; ergò Ecclesia, solùm irritando Matrimonium, parùm providisset libertati ejus. Ac proinde, nisi d. Decretum extendatur ad sponsalia, sequitur contrarium intentioni Legislatoris, aut saltem non habetur ejus intentum. Iam autem dicit Reg. ultima de Reg. juris in 6. *Certum est quod is comittit in legem, qui legis verba complectens contra*

Bosco de Matrim. Pars II.

legis nititur voluntatem.

Ubi Canifius: Addendum, inquit, hic est ex Constitutione Impp. Theodosij & Valentini, Explicatur quā hæc eadem regula continetur: *Nec pañas ultima Reg. legibus inseritas evitabit, qui se contra juris sententiam severa prærogativa verborum fraudulenter excusat*; l. Non dubium, Cod. de LL. Ut hinc intellegamus, non minus eum pœnâ legis dignum esse, qui, salvis verbis legis, sententiam ejus circumvenit.

Ratio ex eo pendet, quod respondit I. C. l. 17. ff. de LL. *Scire leges, non est verba earum tenere, sed vim ac potestatem.* Ita ut rectè post Accursium dixerit Bartol. ad l. *Contra*, 29. ff. cod. Quod quis possit offendere verba legis, dummodo mentem legis non offendat; ubi scilicet mens legis certa est, per l. *Adigere*, 6. §. *Quamvis*, ff. de jure Patronatus. At in obscuro magis adhærendum est verbis legis, arg. l. 69. ff. de Legat. 3. *Non aliter à significatione verborum recedi oportet, quam cum manifestum est, aliud sensisse testatorem.* Hucusque Canifius.

Nunquid contraria nos? Non puto. Nam subsumo ego: atqui obscurum est, an Trid. in p̄fato Decreto, per Matrimonium intellexerit etiam sponsalia: sive mens legis obscura est & incerta, ut patet ex dictis; ergo adhærendum est verbis legis.

137.
An explicatio nobis contrarieatur.

Fateor absurdum esse & irrationalis, ut Matrimonium prohibetur, & irritetur inter raptorem & raptam, durante raptu; scilicet autem sponsalia, si per ea intelligas promissionem futuri Matrimonij tempore raptus; cum enim illud Matrimonium sit illicitum, ut potè invalidum, promissio illa procul dubio non valet; quoniam promissio rei illicite, quæ nullatenus potest obligare, ut patet. Sed hoc non dicit nostra Conclusio.

Quid ergò? Sponsalia esse valida, si referantur ad tempus habile, id est, ad illud tempus, quo raptus erit extra potestatem raptoris, pro quo tempore Matrimonium est validum & licitum. Neque inde præjudicatur libertati Matrimonij, sicut non præjudicatur ei per sponsalia metu gravi extorta, quæ, cessante metu, possunt dissolvi ad libitum metum passi. Et sic in casu præsentis, raptu cessante, possent sponsalia pro libitu raptæ dissolvi, propter injuriam priùs illatam.

Quid ergo, inquis ad Declarationem Cardinalium, quam refert Molina tom. 4. disp. 105. n. 22. in fine? Eā de re (inquit hic Author) interrogata Congregatio Romæ deputatorum ad respondentum dubijs, circā definitiones Concl. obortis, num valida essent sponsalia ciliij Trid. obortis, num valida essent sponsalia eo tempore celebrata, invalida ea esse respondit. Sic ille.

138.

Sed nunquid conflat hanc Declarationem esse authenticam? Ubi subscriptio Card. Praefecti, & Secretarij Congregationis? Nuspiam eam reperio. Sed neque habetur inter Declarations, ex ultima recognitione Ioannis Gallemart impressas cum ipso Concilio Antuerpiæ apud Joan. Meursium a. 1644. Ast aliam ibi reperio, quæ dicit: *Raptores ob aliam causam,*

139.
*Card. pro**invaliditate**sponsalia,**solvi raptu**cessante.*

ex Melina.

T. 2

quam

quam ut in uxores ducant, non comprehendunt à Consilio propter identitatem vel majoritatem rationis: nec constitutio paenalis extenditur tali casu. Si tali casu non extenditur propter identitatem rationis: quare hoc casu deberet extendi?

140.

Atque ut d. Declaratio apud Molinam foret

authentica, intelligerem eam de sponsalibus, seu *Quomodo* promissione Matrimonij contrahendi tempore *expedito in-* raptus, quæ procul dubio invalida est, *ut ante telligi.* dixi. Igitur propter eam non est recedendum à Conclusione, quæ finem imponet huic Sectio- ni. Sequitur autem.

SECTIO X.

D. E

IMPEDIMENTO IMPOTENTIAE.

^{1.}
Cognitio hu-
jus impedi-
menti est
summe ne-
cessaria.



Sanchez.

Disputatio de hoc impedimento apprimè necessaria est, quod frequenter in tribunalibus Ecclesiasticis accidat, & in Confessionibus occurrat: facillimum quæ sit circè illud aberrare; tum ob nimiam ejus difficultatem; tum etiam, quia satis obscurè disputatum invenitur. Et idèò quā claritate potuero, illud enodabo. Ita Sanchez lib. 7. disp. 92. n. 11. Et nos cum illo; salvâ tamen semper honestate, id est, omisssis illis, quæ vix honestè dici possunt, & non sunt omnino necessaria ad fereandum rectum judicium, sive in foro externo, sive in sede confessionali.

Ac principio quidem, priusquam accingimur ad examinandas particulares difficultates, occurrit quæstio generalis: Quid in hac re sit impotentia? Respondeatur.

CONCLUSIO I.

Impotentia hīc, est inhabilitas perficiendi viā ordinariā copulam carnalem, aptam ad humanam generationem.

^{2.}
*Quid sit
hīc poten-
tia.*

EX hac Conclusione festinè cognoscitur, quid in hac re sit potentia, scilicet habilitas perficiendi viā ordinariā copulam carnalem, aptam ad humanam generationem. Evidem non esse necessarium, ut copula aut generatio sequatur, nemo dubitat, qui novit essentiam Matrimonij, novit, inquam, dari Matrimonium ratum non consummatum; probeque scit quamplurima esse Matrimonia consummata, quæ parent prole, defectu fœcunditatis seu propter sterilitatem.

Quod autem dicta habilitas requiratur, probatur ex definitione Matrimonij, à nobis proposta Disp. præced. Sect. 3. Conclus. 1. sequentis tenoris: *Contractus Matrimonij est consensus reciprocus maris & feminæ, signo externo expressus, quo ius perpetuum tradunt in mutua corpora ad usum conjugalem.* Porro usus conjugalis non est solus coitus sive penetratio vias muliebris, aut

sola seminatio extrà vas; sed penetratio cum effusione veri semenis intrà vas ordinarium. Nam aliás non est nata (per se loquendo) sequi generatio prolis.

Rogat aliquis: qui sint isti, qui non possint seminare intrà vas? In primis, qui nullum verum semen habent, quales sunt, communis iudicio Doctorum, Eunuchi, qui carent utroque teste. Præterea; qui licet habeant verum semen, & possint seminare, tamen vel non possunt vas penetrare naturali virtute, aut si possint, semen ob nimium calorem statim ejaculatur ante vasis penetrationem.

Contra: non requiritur penetratio vasis ad consummationem Matrimonij, sed sufficit commixtio sanguinis seu receptio semenis, sive ope mandi dæmonis, sive per attractionem matricis, aut aliâ viâ, ut docuimus cum Sanchio & alijs, contrâ Pontium, Disp. præced. Sect. 3. Conclus. 10. item præsenti Disp. Sect. 6. Conclus. 1. Ergo omnis vir, qui potest seminare, aut saltem habet verum semen, debet hīc dici potens, & similiter omnis foemina, quæ aliquā viâ potest semen virile recipere. Siquidem potentia hīc non videtur esse aliud quām habilitas consummandi Matrimonium.

Respondetur: potentiam hīc esse habilitatem consummandi Matrimonium de per se, seu viâ ordinariâ, id est, medio à natura communiter instituto, quod est penetratio vasis cum effusione semenis intrà illud.

Et quidem quod attinet opem dæmonis, qui semen decisum à viro potest transferre in uterum foeminae, certum est apud Omnes, id non sufficere ad validandum Matrimonium, quod aliás foret invalidum defectu potentiae; sicut non sufficit, ut infra latius dicetur, quod ope dæmonis maleficium tolli possit, quo aliquis impeditur à copula.

Quantum ad attractionem matricis, aut aliquam artem, quā posset semen recipi sine penetratio; nec istud satis esse, putat Sanchez lib. 7. disp. 99. n. 37. ubi in fine sic lego: Quid si revera foemina ita arcta sit, aut vir ita debilis aut calidus, ut non possit cum foemina hac coire, ut semen intrà vas emitat; sed foras fundat (in quo casu, quando hoc judicatur perpetuum, & immedicable impedimentum, diximus

^{3.}
*Qui ne-
queant se-
minare in-
trà vas.*

^{4.}
*Non sufficit
quod semen
transfervi
possit per dæ-
monem.*

*An sufficit
quod per at-
tractionem
matricis, aut
aliquam
artem reci-
piatur.*